

目捷連是

佛本行集經卷第四十八

基八

情嬉許之反頷胡反感古反頰古反刪所間反安

諍下作淨字芥下正蚊上音庚反金翅下莫反

厲音川穿

佛本行集經卷第四十九

基九

隋天竺三藏法師闍那崛多譯

五百比丘因緣品第五十

尔時諸比丘白佛言希有世尊云何舍利弗有五百波離婆闍迦刪闍耶弟子已墮邪見曠野嶮道行顛倒行其舍利弗乃能教化將詣佛所佛見彼已教捨邪見曠野嶮難於諸苦中而得解脫作是語已佛告諸比丘汝諸比丘是舍利弗非但今日將五百刪闍耶弟子波離婆闍迦墮大邪見曠野嶮路行虛妄行還復化令來至我所得免邪見虛妄顛倒於苦惱中而得解脫往昔亦當將領如此五

百人等墮危難中時舍利弗亦復將導來詣我所我於彼時亦救彼厄免諸苦惱諸比丘言唯然世尊願為解說

尔時佛告諸比丘言我念往昔有一馬王名雞尸形貌端正身體白淨猶如珂雪又若白銀如淨滿月如君陀華其頭紺色走疾如風聲如妙鼓於彼時間閻浮提有五百商人時諸商人欲入大海辦具資糧持三千萬種種貨物復持十萬以為資糧擬於道路興販取利復有別財用擬船師如是具辦漸漸而行到大海際即祠海神備諸船舶復雇五人其五人者一者執船二者持棹三者杼漏四者善巧沉浮五者船師是諸人等又相告語所有罪過清淨懺悔又復教令入海之法然後始入求覓珠寶時諸人輩至其海內忽值惡風吹其船舫至羅刹國時羅刹國其國多有羅刹之女是時船舶欲到彼國大風飄博船悉破壞時諸商人各運手足截流浮去欲詣

彼岸時羅刹女聞彼大海有船破壞羅刹女等即往救接一時捉得五百商人共彼商人五欲自娛歡喜踊躍時羅刹女已共商人生男生女方始將彼諸商人輩置一鐵城既安置已變化本形令使端正可喜過人纔不及天或作童女或復化作不父嫁形化是身已

香湯澡浴以香塗身著種種衣種種瓔珞莊嚴其身首戴種種妙華天冠一切身處垂諸華瓔以為流蘇復以妙華莊校其身華為瓔珞於華鬘處懸以寶鈴捷疾走行詣商人所到其所已語諸人言是諸聖子莫有恐也諸聖子等莫有愁也過汝手來過汝臂來過汝

基九

二

腕來是時商人窮極護命恐怖畏死遂於彼所起實女想與其手臂時羅刹女度諸商人於大海中既度之已慈言哀愍語諸商人善來聖子從何遠來汝等聖子來與我等可為夫也憐愍我等為我作主我等今者無人愛念汝為我等作歸依處除滅我等憂煩愁惱

為我等輩當作家長我等依法承事汝輩不令虧失汝諸聖子可來我家以歡喜心受五欲樂汝等勿憂汝等勿怖一切家業我當備辦凡有所須我等皆有其海大神必於我所深生憐愍故將汝輩來我所耳

尔時一切諸商人輩咸共告彼羅刹女言善哉姊妹汝等安心可少時住乃至令我當散愁憂時諸商人各住一廂其心惻愴舉聲啼哭或有人言嗚呼父母或有唱言嗚呼兄弟或復唱言嗚呼姊妹或復唱言嗚呼所愛諸親眷屬或復唱言嗚呼宗族我等今者已離親戚或復唱言我等今者離所愛戀或復唱言嗚呼妙地閻浮境界作如是等悲號啼哭種種之聲又相告言嗚呼裁忍作是語已各吐熱氣共相慰喻迭互安心詣羅刹城漸漸而行未到彼城於其中路見有一所其地寬廣皆悉平正無有荆棘沙礫瓦石一切塵土皆悉無有生諸青草其草繁茂甚大臚直可

基九

三

愛可樂有好樹林其林華菓枝葉扶踈狀若青雲翳隸垂布是大林處廣大無邊時彼林所一切樹木我今當說

那迦多摩羅樹迦尼迦羅樹阿濕波他樹尼拘陀樹烏徒婆羅樹波羅叉樹可闍羅樹迦離羅等種種諸樹

復有種種香花之樹彌滿彼林其花樹者所謂阿題目多迦花樹瞻波迦花樹阿輸迦花樹波多羅花樹波利師迦花樹拘蘭荼迦花樹拘毗陀羅花樹檀奴沙迦梨迦花樹目真隣陀花樹蘇摩那等種種花樹彼等諸樹或始出萌者或有已成萌者或復欲開敷者或已成花或花開已而萎落者有如是等香花雜樹復有種種諸菓子樹所謂菴婆羅樹閻浮菓樹俱闍菓樹破那婆樹鎮頭迦樹呵黎勒樹毗醯勒樹菴婆勒樹有如是等種種菓樹其諸菓樹或生或熟或有成熟始可食者或有過熟已墮落者或始花者復有如是種種諸菓

復有諸鳥遊集其上所謂鸚鵡鷓鴣等鳥俱翅羅鳥孔雀王鳥迦陵頻伽鳥命命鳥等如是無量種種諸鳥

復有種種雜華池沼所謂優鉢羅華鉢頭摩華拘勿頭華分陀利華如是等華彌覆池上於其池中復有諸鳥所謂鴻鵠鳧鳥鴈昆喻鴛鴦等鳥遊戲池中光嚴彼池觀者欣悅能滅憂煩其羅刹城四壁潔白狀如珂雪又如冰山其城在地若遙觀者乃見彼城如白雲霽從地湧出其諸城上復有樓閣種種却敵周而如墻四廂陸壑其壑岸上欄楯圍遶或有樓閣其樓閣中有諸窻牖復有天窗臺殿堂閣欄楯齊整其諸閣道微妙端嚴寶帳幃蓋彌覆其上其城周而建諸幢幡施設寶業於香爐中燒諸妙香

爾時諸羅刹女將諸商人向彼城已教脫舊衣以諸香湯沐浴其體令坐種種妙勝之座以五欲具而娛樂之五音諸聲於前而作

以如是等種種方便經於久時受大快樂歡喜悅豫迭相娛樂後時彼諸羅刹女等告諸商人善哉聖子是城南面不得從彼出向某處時諸商人有一商主智慧深細聰明利見即生疑念作是思惟以何等故此之諸女斷我等輩於南面處不聽行過詣於彼所我應可伺諸女睡卧如身之時尋於此道往至其女所禁之處次第觀看欲知彼處善惡之事若其知已即當如事應行方便

尔時商主作是念已即伺彼諸羅刹女等卧睡眠已遂從卧牀安詳而起不令有聲即執利刀從家而出尋逐意趣漸漸前進至於少地見一微徑恐怖之所無有草木甚可畏懼乃聞有人大叫喚聲狀如叫喚大地獄中苦痛之聲聞此聲已遂大怖畏身毛皆豎嘿然而住良久喘定漸安身心氣力稍增還詣彼道漸漸復進其路未遠見一鐵城其城高峻乃是所聞聲出之處詣彼城已周而巡行而

不見門到於北面見有一樹名曰合歡近城而生其樹高大出於城上時彼商主見斯樹已即上其樹觀看城內見彼城中多有人死過百餘數或有死者已被食半或命未斷半身支解或有飢渴逼惱而坐或復消瘦唯有筋骨眼目瞋陷如井底星迷悶在地頭髮蓬

基九

五

亂塵土全身甚大羸瘦各相割肉而噉食之以是因緣作大叫喚如閻羅王所居之處見諸衆生受大苦惱是大商主見是事已亦復如是生大恐怖身毛皆豎時大商主復經少時安心定意恐怖稍除氣力漸生即以手提合歡樹枝而搖動之一枝動已舉樹枝葉互相振觸而有聲出

尔時受苦諸人等輩聞是聲已仰觀城上見彼商主在合歡樹見已悲呼而問之言汝是誰也為是天也為是龍也為野叉也為乾闥婆為阿脩羅為迦樓羅為緊那羅為是摩睺羅伽為是帝釋憍尸迦也為是天尊大梵王

也或能見我在於厄難憐愍我輩故來至此
欲來救拔我等苦也時彼人輩合十指掌頭
頂遙禮哀泣發聲仰面上觀作如是白善哉
仁者當於我輩生大慈愍脫我此難我等皆
是愛別離人汝今應當濟拔於我作是方便
令我等輩還能到於親愛之所

尔時商主從彼苦人間是語已鬱快不樂身
心悲惱而報彼言是諸人輩當知我今非是
天也亦非龍也乃至我非大梵天也但我等
輩從閻浮提興生至此為求財故入於大海
我等將欲至於陸地忽遇大風船舶破散值
諸婦女來至我邊濟拔我等從尔已來我輩
常共如是諸女歡娛受樂我今云何能濟汝
苦是時商主復問彼言汝諸人等云何在此
受如斯事彼苦人輩即答言曰善哉善人我
等今者亦復如是從閻浮提興販商估為財
寶故來入大海欲至彼岸遇值惡風吹壞船
舶我等彼時亦遭如是羅刹之女濟度彼難

亦復共我受五欲樂但聞汝等有如是聲是
羅刹女即知大海有船破壞於彼之時將我
等輩置鐵城中我等來日行人同伴亦五百
人入此城來已被他食二百五十今唯二百
五十人在我等亦共彼輩和合生於男女彼
羅刹女語言微妙其聲婉媚但彼女等貪食

其九

六

肉故共生男女悉還食盡汝諸人輩慎莫共
彼受樂娛樂何以故彼甚可畏無愛心故是
時商主復問彼言諸人等輩頗有方便得脫
如此羅刹難不彼即報言有一方便商主復
問方便如何善哉為說彼等報言十五日滿
四月節會大喜樂日月與昴宿合會之時有
一馬王名曰雞尸隋云形貌端正見者樂觀
白如珂貝其頭紺黑行疾如風聲如妙鼓彼
所停處乃有粳米白無糠粳甚大鮮白香美
具足彼馬所食食是米已來詣海岸露現半
身口出人聲而作是言誰欲度彼大鹹苦水
如是三說我今當令安隱得度鹹水彼岸汝

等若值如是馬者得免諸難唯有此事更無餘也汝等若欲脫諸難者勿泄此言商主復問汝等頗復曾見雞尸馬王如此已不汝若見者何不親近汝若親近何不度汝汝初得聞從誰而聞如此之事虛也實也彼等報言善哉仁者我從虛空聞如是聲閻浮提內諸商人輩愚癡無智所以者何不能至彼昴月交合十五日滿是大節會歡樂之時四月節中不能詣彼北道而行若行彼處應見馬王形貌端正觀者無厭食淨粳米從於彼處來詣海岸露現半身日別三時唱如是言誰欲度彼大鹹苦水基九至於彼岸我能安隱度之令七過從於此處得至彼岸衆人聞已而有信者尋虛空聲詣於北道馬王之所雖往其所不受彼言而復還歸我等皆由愛羅刹女是故如此今受是厄是諸商主復問彼言汝等去來可共詣彼馬王之所彼等報言我欲上城城即增長掘地欲出其孔還合我等是處無

解脫期我輩必爲羅刹女食何當得見彼親眷屬汝等人輩慎莫放逸隨意所去速詣父母及自眷屬還歸本鄉唯願汝等心意和我等人輩本生某處某城某邑善哉汝等若至彼處爲我等輩問訊父母及餘諸親朋友知識作是語已復告彼言汝等後時更莫發心向彼大海何以故於大海內有諸恐怖所謂海潮或時黑風水流旋迴低彌羅魚蛟龍等怖諸羅刹女如是等怖大海之中多種畏難汝等人輩但在彼處以諸方便隨且活命乃至庸力亦可存濟以是方便得共父母妻子眷屬不復分離能行布施多造福業嚴持齋戒是時商主聞彼語已生大恐怖遂即從彼合歡樹下下彼樹時彼諸人輩一時發聲叫喚啼哭嗚呼大苦嗚呼極苦閻浮提內微妙之地何當復能得見彼處我若本知有是厄難寧住在彼食瞰牛糞用爲活命不爲求財而來此也

尔時商主既下樹已依著來道還向本處見彼等輩諸羅刹女猶故睡眠商主尔時還即眠卧至於天曉便作是念云何令彼諸商人輩得知此事而不令彼羅刹女覺我今若當輒出是言向彼說者是即漏泄若其漏泄令彼羅刹諸女聞者恐將我等至厄難處我之此語應須隱嘿乃至四月臨當節會大歡樂時馬王來日乃可出言而告彼等所以者何昔有偈說

凡於知識處 輕陳心實者 其事當泄漏

聞者各各傳 是以怨所得 便受大苦惱

故有智慧者 輒不滿其言

卷九

尔時商主思惟是已隱嘿而住乃至四月歡樂會時方始告彼諸商人言善哉諸人汝等今者慎莫放逸莫生戀著勿生愛心或貪婦女或貪飲食及餘資財我於汝等極生憐愍我今密語欲相示告汝諸人輩若見諸女睡安隱時可共集會同向其處

時諸商人聞彼商主說是語已猶如師子在於山林忽大哮吼有諸凡獸在彼山邊聞其吼聲生大驚怖各相謂言我等今者未脫大海可惡之事時彼商人過彼日已遂至夜內見彼羅刹一切諸女耽著睡眠安隱而卧私密盜竊從卧床起各各咸共詣彼期處詣彼處已白商主言善哉商主所見之者願為我等說或從他聞憐愍我故利益我故願為說之是時商主報商人言汝等知時密於是事乃能為說彼等報言我等實語聞是事已皆悉密持

尔時商主即告彼等說前見事諸商人等從大商主聞是事已憂愁不樂甚大悵快恐懼戰慄白商主言善哉商主我等今當宜可速至彼馬王所願我等輩安置得達閻浮提內本生之處時諸商人并及商主皆共聚集詣彼雞尸馬王住所

尔時馬王食彼無糠自然粳米清淨香美如

卷九

九

是食已至於海岸露現半身以人音聲而三唱告誰欲樂度鹹水彼岸我當安隱負而度之令到彼岸時諸商人聞彼馬王如是語已歡喜踊躍身毛皆豎合十指掌頂禮馬王作如是言善哉馬王我等欲度樂至彼岸願濟我等從水此岸達到彼岸

尔時馬王告諸商人汝等當知彼羅刹女不久應來或將男者或將女者顯示於汝慈悲哀哭受於苦惱汝等於時莫生染著愛戀之心汝等若起如此意言彼是我婦彼是我男彼是我女汝等假使乘我背上必當墮落為彼羅刹之所噉食汝等若作如是意念彼非我許我非彼物非我男女於時汝等設使以手執我一毛而懸之者我於是時安隱將送汝諸人輩度彼鹹水達到彼岸作是語已是大馬王告諸商人汝等今者可乘我背或執身分脚足肢節時諸商人或上背者或執肢節脚足分者尔時馬王負彼商人出哀愍聲

飛騰空裏行疾如風

尔時彼諸羅刹女輩聞彼馬王哀愍之聲復聞走聲狀如猛風忽從睡覺覓彼商人悉皆不見處處觀看乃遙見彼諸商人輩乘馬王上或執諸毛鬚躡肢節乘空而去既見是已速將男女馳走奔赴至於海岸發愍愍聲哀號啼哭作大苦惱各作是言汝諸聖子今者捨我欲何所去令我無主汝是我主汝等於先墮在海難大恐怖中我等度汝唯願汝等與我為夫汝等今者捨背於我欲詣何所汝等今者無恩無義何故相棄而不報恩我等若當於聖子邊有所違犯今乞懺謝從今已去不作諸惡汝諸聖子凡善男子不得懷抱結恨蘊恚汝速迴還今何所詣捨離我等諸聖子輩汝等知其不用我者今此男女可收將去時羅刹女雖作如是慈流言語難尸馬王仍將彼輩五百商人安隱得度大海彼岸到閻浮提諸比丘於汝意云何若疑於時鷄

尸馬王豈異人乎勿生異念即我身是五百
人中大商主者豈異人乎即舍利弗比丘是
也五百商人豈異人乎即刪闍耶波離婆闍
迦諸弟子等五百人是我於彼時以此五百
諸商人等至厄難處墮於如是羅刹女邊後
羅刹女復欲將彼隨意處分當於尔時是舍
利弗將詣我所我於彼時救其苦厄得度誠
水達到彼岸今者還復至刪闍耶邪見曠野
嶮難之中乘虛妄路舍利弗於彼之處示教
化已將詣我所我於邪見曠野之中化令得
脫度生死海諸比丘如來乃往未得佛時能
作如是大利益事是故汝等當於佛所應生
尊重恭敬之心生希有想汝等比丘應如是學
佛本行集經斷不信人行品第五十一
尔時婆伽婆度長老舍利弗及目捷連五百
人等得出家已具足眾戒從摩伽陀國次第
遊行從一聚落至一聚落歷諸村邑隨意而
行漸漸歸還到王舍城摩訶僧祇師
作如是說其迦葉

惟師復作異說乃言如來至南方山處遊
行而復迴還至王舍城於時多有大威神者
有大威力諸善男子於如來所行於梵行於
時多人道說毀咎各各唱言沙門瞿曇當令
我等無有子息令我等輩破家散宅絕我後
胤沙門瞿曇已度騷髮一千人等令遣出家
卷九
十一
沙門瞿曇從刪闍耶波離婆闍迦邊亦復劫
奪五百弟子令使出家今者復有摩伽陀國
諸大威德大威力等諸善男子當至其所行
於梵行彼諸人輩見諸比丘來於前者各各
說偈而相謂言
是大沙門還 踰南山詣此 已度婆闍等
今復將誰去
尔時彼輩諸比丘等聞諸他人說如是偈心生
慚愧便至佛所竹園之內以所聞偈而向佛說
尔時世尊告諸比丘汝等當知如是音聲不
應多時唯至七日七日之後是聲自滅於一
切處無復更聞諸比丘雖復有人向於汝等

說如是偈

是大沙門還

踰南山詣此

已度婆闍等

今復將誰去

作是語者汝等應以如此偈答

世尊大丈夫

將人如法去

既有如法行

智者何得違

尔時彼等諸比丘輩於其晨朝日在東方著衣持鉢入王舍城乞食之時眾人見者皆說此偈而相告言

是大沙門還

踰南山詣此

已度婆闍等

今復將誰去

時諸比丘即以彼偈報諸人言

時彼諸人聞是偈已作是思惟沙門釋子凡所度人教行如法非不如法是故此聲在於七日過七日已一切皆滅於一切處不復聞也佛本行集經說法儀式第五十二
尔時復有眾多外道波離婆闍迦五日五日恒常集聚為人說法眾人大集詣彼聽受以

是因緣諸外道輩波離婆闍迦等得大利養

恭敬尊重於彼時間王舍大城摩伽國王頻

婆娑羅於佛法中深生正信作如是念今者

外道彼離婆闍迦五日五日恒常集聚為他

說法多有人眾詣彼聽受以是因緣諸外道

輩大得利養世人貴重供養恭敬我於今者

卷九

十二

亦集諸師五日五日勸令說法我應自往詣

彼大會彼大會內若見我來時一切人民悉

應來集如是因緣應令我師大得利養世間

尊重思惟是已至於佛所具白斯事

尔時世尊因此起發集比丘僧而告之言汝

諸比丘我今已許五日五日令汝等輩集聚

大會為他說法談論法義時諸比丘白言世

尊何法當說何法不說時諸比丘問此事已

佛告大眾諸比丘言汝等比丘我今已許五

日五日於其中間集聚眾已嘆佛功德嘆法

功德嘆僧功德嘆信功德乃至略說讚嘆戒

行多聞功德嘆行布施歎行智慧歎行知足

歎行少欲歎說頭陀歎說遠離聚落城邑常在空閑歎行妙行讚嘆利益歎行精進讚嘆供養父母尊長供養沙門及婆羅門讚嘆供養諸善知識嘆說善言讚嘆調伏諸根門者讚嘆節量諸飲食者讚嘆初夜及以後夜省睡眠者讚生正念讚相奉事讚相諮問讚聞

領悟讚受師教而不違背聞已奉行讚聞法已而能正知讚聞正法順法而行嘆說念佛嘆說念法歎說念僧歎說念天讚說念施歎念寂滅嘆念阿那波那嘆說念身讚嘆恒念不淨觀想嘆念死想歎念飲食作不淨想讚歎世間不可樂想讚無常想讚苦空想讚無

我想讚歎斷想讚離欲想讚歎滅想及以讚歎觀白骨想讚嘆骨離想讚嘆臃脹想讚嘆欲壞想讚嘆半噉想讚嘆散想讚半燒想讚燒赤想讚可惡想亦應讚嘆念諸功德亦應讚歎四正勤四如意足五根五力七覺道分讚解脫門諸解脫分讚八勝處讚嘆三明亦

應讚說大通功德

佛本行集經卷第四十九

基九

珂軻上苦何反紺反古音販反方音祠詞音棹反直音杼反昌音
漏上音序又飄反苦音纒音腕反烏音惻反側音愴反昌音
下初裁忍上音迭反徒結音脯反羽恭音扶蔬下上音符

疎愛代鴻上音鵠上音下胡毒反鳧音嶮音嶮音嶮音

敵反徒的隍上音皇下音埠音岸下音楮音時音尹音牖音

悅下音伺反相音賊下音陷反胡音蓬上音亂正音薄音紅音

振上音觸反直音快於音商下音估下音婉上音媚下音紆音阮音

昂上音宿反音糠上音糲上音澹下音河下音似音宣音反音蛟上音龍上音

傭上音力上音哮下音吼下音許下音交反音反音醜下音耽下音合反音暢音快音

上正戰慄下音睡下音覺下音去音躩上音躩上音下音良音輒反音愠音

反音紆音通音些音些音同音遠音字音臃音脹音下音知音向音反音